

Zaj Lus Piv Tswv Hais Txog Lub Noob Zaub (Parable of the Mustard Seed)

Maslaskaus 4:30 – 32 (Mark 4:30 – 32)

Muaj tej lub sib hawm neeg pheej xav hais tias lawv tsis muaj nuj nqi rau ntawm Vajtsvw. Lawv xav ua ntau yam mus pab Vajtsvw lub tuam tsev, tab sis lawv xav hais tias yam lawv ua ntawv tsis muaj nuj nqi.

Muaj tej lub sib hawm lawv ce le tso tes, vim lawv mauj kev chim siab.

Muaj tej cov neeg ce le xav hais tias lawv laus laus lawm, pab tsis tau Vajtsvw lub tuam tsev. “Kuv yog ib tug poj niam laus xwb,” lawv yuav hais li. “Tsis muaj dab tsis es kuv yuav ua tau, tab sis tsuas yog xaw khaub ncaw hnav rau cov neeg pluag.”

Muaj tej lub sib hawm cov neeg hluas xav hais tias lawv tseem hluas heev, hais txog kev pab Vajtsvw lub tuam tsev. “Kuv tsuas yog ib tug mi nyuam yau me me xwb. Tsis muaj leej twg xav kom kuv pab Vajtsvw lub tuam tsev. Kuv tsuas ua tau tej yam me me xwb, ib yam li tuaj kawm Sunday School.”

Muaj tej cov neeg xav hais tias ntau yam lawv ua tsis tseem ceeb, ces lawv ce le tsis pab lub tuav tsev lawm. “Kuv muaj cuab kav ua tau tej me me xwb, ib yam cheb tsev los yog teeb cov phau nkauj kom zoo zoo,” lawv hais tias. “Tsis muaj leej twg yuav paub txog, yog kuv tsis ua tej yam me me ntawv. Tej yam me me ntawv yeej tsis pab lub tuam tsev li.”

Muaj tej lub sib hawm mas muaj neeg chim siab vim rau qhov lawv xav hais tias lawv lub tuam tsev yog ib yam me me xwb. Lawv hais tias, “Tsis muaj leej twg yuav xav tuaj tom kuv lub tuam tsev, nws yog ib yam me me xwb.”

Muaj ib cov neeg uas yog cov lawv Yexus qab yeej xav ib yam li ntawv thiab. Tswv Yexus muaj yam tshiab xav qhia rau cov neeg nov. Nws xav kom lawv paub tias txhua txhua yam uas peb pab lwm tus mas tseem ceeb heev. Muaj tej lub sib hawm peb ua tej yam me me xwb, tab sis nws dhau mus ua ib qho kev pab LOJ heev.

Tswv Yexus xav kom cov neeg no tau taub txog txoj kev qhia tseem ceeb no, ces Nws thiaj qhia lawv txog ib zaj lus piv txwv hais txog ib lub noob. Ib lub noob yog ntawm txoj hauv kev pib. Muaj ntau zaus mas lub noob ntawv me me xwb, thiab nws zoo nkaus li nws yuav ua tsis tau ib

yam tseem ceeb li. Lub noob zoo li me me xwb, thiab tsis tseem ceeb, tab sis lawv yog txoj hauv kev ntawm tej yam. Ib lub noob me me muaj cuab kav loj hlob mus ua tej yam loj heev.

Txoj lus piv txwv uas Tswv Yexus qhia, yog hais txog ib lub noob zaub. Nws hais txog muaj ib zaug muaj ib tug txiv neej tau cog ib lub noob zaub rau ntawm nws daim teb. Nws yog ib lub noob zaub me me, tab sis nws yog ib txoj hauv kev ntawm qhov pib xwb. Thaum lub sib hawm dhau mus lawm, lub noob no yuav loj hlob mus ua ib tsob nroj.

Nws loj hlob ntxiv zuj zus txhua txhua hnub. Thaum ntau xyoo dhau mus lawm, tsob nroj no dhau mus ua ib tsob ntoo loj loj. Cov noog yuav los thiab zaum ntawm tsob ntoo cov ceg.

Tswv Yexus hais tias Vajtsvvv lub tebchaws ces zoo li ib lub noob zaub. Thaum pib ces nws zoo li tej yam me me xwb, tab sis ua siab ntev tos. Muaj ib hnub twg nws yuav loj, loj, loj heev! Kav tsij ua tej yam me me no, ces Vajtsvvv yuav ua rau kom lawv loj hlob.